



## GUVERNEROV NEWSLETTER – OKTOBAR 2022

**Georg Tichler**

RC Neulengbach-Wienerwald  
District Youth Exchange Chair



### “INBOUND”-UČENICI SU OPET TU

Za službu za mlade je rotarijanska godina 2022/23, nakon 2 godine bez “inbounda” – gostujućih učenika na razmjeni, opet započela sa dobrodošlicom za 29 mladih iz 8 zemalja iz cijelog svijeta. Nakon 14-dnevnog kursa njemačkog jezika na Univerzitetu primijenjenih znanosti (FH) Salzburg u Puch Ursteinu, inbound-učenici su se vratili nazad kod roditelja-domaćina širom Austrije, i sa septembrom je počela nastava za sve. Sljedeće zajedničko okupljanje će biti Bečki vikend od 30. septembra do 2. oktobra.

Zajedno sa „Rotexerima“ i Interact-mladima želimo ovu jedinstvenu priliku za mlade iz našeg Distrikta – da se provede godina dana u drugoj zemlji kao učenik na razmjeni – dovesti na „pred-Covid“ nivo. Svim povjerenicima službe za mlade su u protekloj godini dostavljeni prerađeni materijali na temu razmjene mladih. Molim da koristite ove materijale kako bi u školama i krugu prijatelja „reklamirali“ ovu mogućnost. Pogledajte takođe i web stranicu RYEP, gdje se mogu pročitati sve informacije. Tu se nalaze i informacije o ostalim programima službe za mlade, kao što su CAMPS, Short Term i NGSE.

22. oktobra će u Salzburgu biti održan skup voditelja službe za mlade „Forum Jugend“, gdje će se okupiti sve voditeljice i voditelji iz Distrikta 1910 i 1920. Radujem se što ću mnoge od vas vidjeti tamo.

**Birgit Mathiaschitz**

RC Wien-Thalia  
District Diversity, Equity an Inclusion Chair



### IMAGINE ROTARY – IMAGINE DEI!

Rotary je oduvijek opredijeljen za otvorene susrete bez predrasuda s ljudima različitih (profesionalnih) iskustava. Ovaj stav je podcrtan opredjeljenjem za diverzitet (raznolikost), jednakost (ravnopravnost) i inkluziju.

Istovremeno sa prvom predsjednicom RI Jennifer Jones su i u Distriktu 1910 u raznim klubovima žene po prvi put stupile na mjesto predsjednica klubova. Uprava Rotarija je sebi postavila za cilj da udio žena članica do 2023. u cijelom svijetu poveća na 30%; naš Distrikt je trenutno na 18%, što se sigurno može još poboljšati.

DEI takođe znači otvaranje za nosioce novih zanimanja i profesionalnih oblasti koje do sada nisu bile zastupljene u klubu ili povećanje pristupačnosti kroz fleksibilne modele članstva i formate sastanaka.

Ponekad odredbe u klupskim statutima predstavljaju smetnju za prijem novih članova/grupa članova. U tom kontekstu valja obratiti pažnju na paragraf 4.070. Raznolikost članstva (u Statutu Rotary International) koji zabranjuje diskriminaciju na osnovu spola, rase, boje kože, vjere, nacionalnog porijekla ili seksualnog opredjeljenja.

I DEI komitet Distrikta rado stoji na raspolaganju za pitanja i diskusije u klubovima.

## TOMBOLA ZA „END POLIO NOW“

Poliovirus se usljed nedovoljne zaštite vakcinacijom širi u cijelom svijetu, kao što je nedavno zabilježeno u New Yorku i Londonu. Budimo složni i ne dajmo šansu poliovirusu.

Stoga: Učestvujte na velikoj tomboli End Polio Now!

**END POLIO NOW**

Polio Eradication Strategy 2022-2026  
Delivering on a promise

Rotary Projekt Verein  
RB Wien / NÖ  
AT38 3200 0004 1165 7699

*Hinweis:* Wenn Sie eine Weiterleitung an das Finanzamt wünschen, um die Spende steuerlich geltend zu machen, nennen Sie bitte ihren Namen laut Reisepass und ihr Geburtsdatum.

**END POLIO NOW**

Tombola für END POLIO NOW

Jede Spende >€ 100.— nimmt an der Verlosung am Welt-Polio-Tag (24. Oktober) teil

Nähere Informationen unter [www.rotary.at](http://www.rotary.at) bei News in den Distrikten

*Napomena:* Ako želite biti upućeni na Finansijski ured kako biste poreski prijavili donaciju, molimo da navedete Vaše ime kao u pasošu i Vaš datum rođenja.

Tombola za END POLIO NOW

Svaka donacija >€ 100,- učestvuje u izvlačenju na Svjetski dan borbe protiv dječje paralize (24. oktobra)

Detaljnije informacije na [www.rotary.at](http://www.rotary.at) pod *News* u distriktima

**Brigitte Öppinger-Walchshofer**  
RC Vienna-International  
District International Chair



## MEĐUNARODNA SLUŽBA

Početakom jula sam se predstavila u prvom pismu svim predsjednicama/ima i chapter chairovima Međunarodne službe i zamolila da se 17. septembar predbilježi u kalendaru kao datum godišnjeg sastanka MS i ICC za distrikte 1910 i 1920 u Rotary Akademiji u Salzburgu. Nakon usaglašavanja sa nacionalnim povjernikom ICC za oba distrikta, Walterom Ebnerom, o vremenskom toku sastanka, sadržaju i podjeli zadataka, u augustu je uslijedilo drugo pismo sa programom sastanka i linkom za prijavu za događaj u Salzburgu.



Na skupu je učestvovalo ukupno 48 predstanica/ka za MS i chapter chairova ICC, od toga 14 iz D 1910. Mogućnosti i programe Međunarodne službe sam predstavila u okviru PowerPoint prezentacije. Rad Fondacije je objasnio povjerenik za Fondaciju D 1920 Karl Schwaha. PP Kurt Matzler je u svom zanimljivom izlaganju pokazao na koji originalan i upečatljiv način (vožnja bicikla) je uspio prikupiti jako puno novca za Rotary u okviru svoje trke „Race Across America“. Popodne je bilo posvećeno ICC-ima. Kao primjeri su predstavljeni novi charteri ICC Austria – Germany – Italy (CC Gunther Gröss), jako uspješni mladi ICC Austrija – Ukrajina (CC Bernhard Zimburg) i ICC Austria – Spain (Brigitte Öppinger-Walchshofer) koji je proslavio charter tek povodom godišnjeg sastanka 2021.

**Paul Jankowitsch**  
RC Baden  
COL-povjerenik



## **ROTARIJANSKI PARLAMENTARIZAM – COUNCIL ON LEGISLATION (COL) I COUNCIL ON RESOLUTION**

Svaka organizacija se mora prilagođavati izazovima u našem svijetu koji se stalno mijenjaju. Institucija koja se bavi prijedlozima iz distrikta, uprave RI ili samog COL kao „ROTARY's governing body“ je Council on Legislation (COL), koji se održava svake tri godine. U skladu sa jasnim smjernicama za postupak, predstavnici distrikta ispituju, diskutiraju i u pozitivnom slučaju usvajaju ove prijedloge i objavljuju u osnovama Rotarija, naime u Ustavu Rotarija (Constitution of RI), Statutu RI (the Bylaws of RI) i Standardnom ustavu Rotary kluba (Standard Rotary Club Constitution). Vidi pod MyRotary ([myrotary.org](http://myrotary.org)).

COL 2022. godine je nakon višemjesečne pripreme obradio 94 zahtjeva, potom usvojio 29, neke uputio na stručna tijela radi prerade i neke odbio. Usvojene mjere su dostupne pod Governance dokumentima na My Rotary i odnose se na klupski život, poboljšanu transparentnost, Rotaract i povećanje članarina radi osiguranja finansijske budućnosti RI.

Pored COL, od 2016. godine postoji Council on Resolution, koji se održava godišnje između sredine oktobra i sredine novembra i pruža još jednu mogućnost da se utiče na organizaciju Rotarija i da se poboljša. Više detalja možete naći na web stranici Distrikta 1910 ili kod delegata Distrikta [pauljankowitsch@hotmail.com](mailto:pauljankowitsch@hotmail.com).